

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

BH- Bisnes – Isnin, 16 Februari 2015 (C)

Modal boleh dijana melalui ekuiti, hutang



**RITA BENOY
BUSHON**

» *Cadangan penempatan persendirian perlu diteliti pemegang saham*

Sejak kebelakangan ini, kami dapat banyak syarikat melaksanakan aktiviti menjana modal melalui penempatan persendirian dengan beberapa syarikat mendangkan aktiviti berkenaan sehingga 30 peratus daripada saham yang diterbitkan.

Untuk makluman, penjanaan dana boleh dilaksanakan melalui cara ekuiti atau hutang, bergan-

tung kepada keadaan syarikat, rasional dan objektif penjanaan dana berkenaan.

Ia boleh dilaksanakan untuk tujuan modal kerja, perbelanjaan modal, mengurangkan pinjaman atau memberikan kecairan saham syarikat.

Pegangan saham awam
Ia boleh juga digunakan untuk memenuhi tebaran pegangan saham awam.

Penempatan persendirian secara khususnya akan mengurangkan pendapatan sesaham (EPS) serta juga akan mengurangkan pegangan terhadap pemegang saham yang sedia ada berbanding terbitan saham hak.

Oleh yang demikian, tujuan melaksanakan penempatan, penggunaan hasil kutipan dan juga identiti penerima penempatan persendirian perlu diteliti oleh pemegang saham sedia ada yang tidak berkepentingan.

Baru-baru ini terdapat beberapa kes penempatan persendirian di mana saham penempatan persendirian dicadangkan untuk diberikan kepada Ketua

Pegawai Eksekutif (CEO) yang adalah syarikat dan ada juga pemberian kepada pihak yang tidak dikenal pasti.

Kemungkinan bahawa terdapat alasan yang lebih munasabah bagi pemberian saham penempatan kepada yang identiti dikenal pasti iaitu CEO itu memandangkan bahawa kepentingan beliau akan selaras dengan kepentingan pemegang saham lain kerana ia membabitkan risiko modal beliau sendiri.

Namun begitu, bagi penerima saham penempatan yang tidak dapat dikenal pasti, pemegang saham mungkin merlukan jaminan mengenai kelayakan mereka dan soalan yang berkaitan perlu diajukan pada mesyuarat agung syarikat.

Kami sekali lagi ingin menekankan bahawa pemegang saham perlu meneliti semua cadangan penempatan persendirian dan mengundi dengan sewajarnya.

Penulis ialah Ketua Eksekutif Badan Pengawas Pemegang Saham Minoriti (MSWG)